

ANM(T)81/10/6/10(20)



KERAJAAN MALAYSIA

**SURAT PEKELILING AKAUNTAN NEGARA MALAYSIA
BILANGAN 1 TAHUN 2015**

Semua Ketua Setiausaha Kementerian
Semua Ketua Jabatan Persekutuan
Semua Ketua Akauntan Kementerian
Pengarah Jabatan Arah Urusan Gaji Angkatan Tentera (UGAT)
Semua Pengarah Jabatan Akauntan Negara Malaysia Negeri Dan Cawangan
Semua Pusat Gaji

PERATURAN PEMBAYARAN BANTUAN KHAS KEWANGAN TAHUN 2015

1. TUJUAN

- 1.1 Surat Pekeliling ini adalah bertujuan untuk menetapkan peraturan pembayaran BKK (BKK) kepada pegawai Perkhidmatan Awam Persekutuan Gred 54 dan ke bawah.
- 1.2 Kadar BKK Tahun 2015 sebanyak RM250.00 juga dipanjangkan pemberiannya kepada pesara kerajaan yang menerima pensyen.
- 1.3 Surat Pekeliling ini hendaklah dibaca bersekali dengan Pekeliling Perkhidmatan Bilangan 3 Tahun 2015 dan surat daripada Kementerian Kewangan rujukan KK/BP/DS(S)10/79/28(S.K.1/2014)(13) bertarikh 18 Jun 2015.

2. ASAS PERKIRAAN BANTUAN KHAS KEWANGAN TAHUN 2015

- 2.1 Kerajaan telah memutuskan supaya BKK sebanyak RM500.00 diberi kepada pegawai Perkhidmatan Awam Persekutuan Gred 54 dan ke bawah yang layak.
- 2.2 Kerajaan juga bersetuju memanjangkan pemberian BKK sebanyak RM250.00 kepada pesara Kerajaan yang menerima pencen.

3. PERATURAN PELAKSANAAN PEMBAYARAN BANTUAN KHAS KEWANGAN

3.1 BKK ini dibayar bersama gaji bulan Jun 2015. Bagi pegawai Perkhidmatan Awam Persekutuan di bawah Sistem Gaji Berkomputer (*Payroll*), perkara-perkara berikut hendaklah diambil maklum:

- i. Penyata Perubahan (Kew. 8) tidak perlu disertakan. Pejabat Perakaunan (Jabatan Akauntan Negara Malaysia Negeri/ Cawangan dan Bahagian Akaun Kementerian) akan mengeluarkan **Laporan Penerima BKK** sebagai menggantikan Borang Perubahan Gaji (SG20).
- ii. Kementerian/ Jabatan hendaklah menyemak **Laporan Penerima BKK** tersebut terutama sekali mereka yang tidak layak menerimanya.
- iii. Kementerian/ Jabatan hendaklah mengutip semula atau memotong daripada gaji bulan berikutnya amaun yang tidak layak diterima oleh seseorang pegawai di bawah pengurusannya.

3.2 Cukai Pendapatan

BKK Tahun 2015 tidak akan dikira sebagai pendapatan bagi tujuan pengiraan cukai pendapatan.

3.3 Potongan Caruman Kumpulan Wang Simpanan Pekerja (KWSP)

BKK ini adalah tidak termasuk di bawah definisi "Upah" seperti mana yang diperuntukkan di bawah Seksyen 2, Akta KWSP 1991, sehubungan dengan itu ianya tidak perlu dicarumkan ke KWSP.

3.4 Potongan Caruman Pertubuhan Keselamatan Sosial Pekerja (PERKESO)

BKK ini tidak perlu dicarumkan ke PERKESO.

3.5 Pembayaran Melalui Baucar Berasingan

- i. Bagi BKK yang dibayar melalui baucar berasingan, Penyata Perubahan (Kew.8) hendaklah disertakan bersama-sama dengan dokumen sokongan yang lain.
- ii. Bagi tujuan mengelakkan kecaciran atau kelewatan dalam pembayaran BKK kepada pegawai yang telah bertukar keluar tetapi gajinya masih dibayar di Jabatan lama, bayaran BKK hendaklah dibayar oleh Jabatan lama secara baucar berasingan. Adalah menjadi tanggungjawab jabatan lama untuk memaklumkan kepada jabatan baru akan pembayaran BKK yang telah dibuat.

3.6 Pelarasan untuk Bantuan Khas Kewangan

Pelarasan yang sewajarnya jika perlu, hendaklah dibuat oleh Kementerian/ Jabatan dalam Tahun 2015.

3.7 Kod Urus niaga

Kod-kod urus niaga yang perlu digunakan bagi bayaran BKK Tahun 2015 adalah seperti berikut :

Kod OSOL (Baucar Berasingan)	Kod Elaun (Payroll)	Perihal Kod OSOL
17102	1072	Bantuan Khas Kewangan
17202	1072	Bantuan Khas Kewangan Pasukan Keselamatan
29306	1072	Pemberian Khas (Bagi Yang Tidak Menyandang Jawatan Tetap)

4. PERUNTUKAN UNTUK MEMBAYAR BANTUAN KHAS KEWANGAN TAHUN 2015

Kementerian/ Jabatan hendaklah membayar BKK ini daripada peruntukan tahun semasa yang sedia ada. Sekiranya peruntukan ini tidak mencukupi, permohonan peruntukan tambahan hendaklah dibuat kepada Perbendaharaan.

"BERKHIDMAT UNTUK NEGARA"

"Inovasi & Integriti Merealisasi Perakaunan Akruan"



DATO' HAJI CHE PEE BIN SAMUDIN C.A. (M)

Akauntan Negara Malaysia

19 Jun 2015

s.k :

1. Ketua Audit Negara
2. Ketua Pegawai Eksekutif LHDNM
3. Ketua Pegawai Eksekutif KWSP
4. Semua Akauntan/ Bendahari Negeri
5. Pengarah Bahagian Pasca Perkhidmatan, JPA
6. Pengarah Jabatan Hal Ehwal Veteran
7. Ketua Eksekutif Pertubuhan Keselamatan Sosial